



UNIVERSITÄTS-
BIBLIOTHEK
PADERBORN

**BREVIS|| INSTRVCTIO|| AD CORROBORAN-||DOS AC
IVVANDOS MO-||RITVROS, EOS PRAESERTIM|| qui ob
flagitia sua, publica Iudi-||cum sententia morti ad-||dicti
sunt:||**

Isella, Francesco

Coloniae Agrippinae, 1588

VD16 I 344

Articulus XVII.

[urn:nbn:de:hbz:466:1-60044](https://nbn-resolving.org/urn:nbn:de:hbz:466:1-60044)

80. INSTRVCTIO AD
constitutus est Princeps & caput su-
per animas iustorum, & ille represen-
tat eas in illa sancta luce cœlestis Hie-
rusalem.

Angelus cu-
ros.

Angelo quoque custodi peculiari
modo se commendet, eiusque auxi-
lium inuocet, cum ab eo fideliter sit
custoditus: & qui sæpe offendi potue-
rat multitudine peccatorum; non ta-
men deseruit eum: sed tantum in finē
respiciens, vt conuerteretur, magna
semper eum cum benignitate & pati-
entia tolerauit.

Articulus XVII.

Licebit etiam Fratribus damnatū
spe intercessionis aliorum Sanctorū
Patriarcharum, Prophetarum, Apo-
stolorum, Martyrum, Confessorum,
Virginum, & aliorum electorum &
amicorum Dei consolari: qui omnes
valdè solliciti sunt, vt pro nobis depre-
centur. Amant & desiderant nostram
salutem, optantque vt participes effi-
ciamur suorum meritorum. Et si illi
adhuc in terris viuentes pondere cor-
poris grauati tantam habuerint in o-
ratione potentiam, vt solem sistere,
ignem de cœlo vocare, aquam è saxo
durissimo elicere, infirmos sanare,
mor-

IUVANDOS MORIENTES. *Si*

mortuos suscitare, Dæmones eijcere, montes transferre, & Dei manus constringere potuerint, ne populo irasceretur: quid nunc non impetrabunt, à graui pondere carnis soluti, & ab omni imperfectione liberi? Si adhuc in mundo exulantes, vbi charitas plurimum refrixit, & quasi extincta iacet eum in modū proximum dilexerint, quomodo putas nunc amant viuo illi diuini amoris igni vniti? Magno & inuictō animo debet esse captiuus, videns se tot, tamque potentes & sui amantes habere aduocatos: & verè dicere potest id, quod olim dixit Helizeus; *Noli timere (anima mea) plures enim nobiscum sunt, quàm cum illis.* Cumq; Sancti omnes nobis per omnia fuerint similes, & proinde quoque tentati, multaq; passi sint, certa nobis spes affulget, melius eos nobis condolere & compati posse.

Huc aliquot adferri possunt Sanctorum exempla, qui alijs in articulo mortis opem tulerunt, & cum certa spe, se quoq; adiutum iri, poterit eos inuocare damnatus; eosque precari, per labores, pœnas, martyria; per abstinentiam, vigiliam, integritatem, con-